

錄異記卷之六

長安富平縣北定陵後通關鄉入谷二十餘

洞

學崖壁懸絕洞門在崖面躋攀不及夜往往  
聞讀書之聲其西女學約山有路可到洞門  
近門有一石室可容一二十人其洞門時有  
人秉燭可入行一二十里兩面有五門皆各  
有題記或通蓬萊及諸仙境近年有石摧下  
遮閉洞門不通人入又山頂有一天井直下  
深二丈許有自然橫石旁出石下天井亦可  
二丈餘可通人過其底旁有崖龕梯磴而上  
屈曲甚廣龕內有道經數萬卷皆置於柏木  
板牀之上有一石人俯首凭按而坐形如生  
人天井之底有道門所投之簡委積朽爛不  
知其數其大順年中富平奉道人姓徐第七  
曾於洞內取養生經出外傳寫却送山洞中  
又向北行二十餘里有三泉山谷中有石嵌  
可容三二百人富谷內有三石盆其盆各廣

丈餘制度光滑迨非人工三盆涌出泉水常  
滿餘水流出山外古老云時有仙人浴此盆  
大都此山有人觸犯即立致雷電損傷苗稼  
由是鄉里多隱殺蹤跡難於尋訪山上有仙  
人闕聖蹤跡極多東女學山前有神鵬一窠  
常護洞門人或侵犯者神鵬擊之立致殞斃  
古有遺流刻五石人致於山上民有鋤耒者  
為鵬所驚走避於石人之下置笠於石人頭  
上鵬即擊之石人頭殞于今見在其山下通  
關鄉多姓公孫實家山上石保村多姓閻氏  
麻氏  
繁陽山屏始洞即二十四化之第一陽平之  
別名也在繁水之陽因以為名本際經云天  
師張道陵所遊太上說經之處在成都府新  
都縣南鏡紅十五里衆山連接孤峯特起是  
也神武皇帝潛龍之時光化二年己未五月  
四日丙申山土摧落洞門自開縣史時康鄉  
所由楊靖道士張守真等以事申府云自洞  
門開後每日有百姓往來者府差縣典楊澤  
畫工任從與張守真同往檢覆畫圖申上稱

把燈燭入洞看檢其第一門對北高二尺闊  
三尺五寸入至第二門約五尺已來第二洞  
門方一尺六寸入內垂是黑處長一丈二尺  
闊六尺有石窟兩處在東畔并西南有洞門  
兩路南畔一路圓闊一尺六寸入內長一丈  
二尺闊一丈高四尺南畔有石窟三處西畔  
兩路入內通遠門圓闊一丈七尺內各闊五  
尺高六尺已來門相去一丈門屋一所高五  
尺闊四尺從內往來有刻料拱概无約山作  
石日月兼作日字月字隔于房一所闊二尺  
五寸高一尺五寸刻料拱概无石窻一所高  
一尺闊一尺五寸門闊五寸石窻三處各闊  
七尺又西入洞門圓闊一尺七寸彎曲入向  
南門屋一所高六尺闊四尺從內來往有石  
料拱概无又有窻樓兩所共一牀高一尺闊  
二尺三寸門闊八尺有石料拱西北角又有  
一門方一尺六寸內方二丈已來南畔西畔  
北畔各窻一所南角又有一洞圓闊一尺六  
寸已來將燈燭近前有黑氣出燈火即滅更  
入不得其洞連接繁陽本山相去三里已來

其山據諸鄉帳生張贊等狀稱繁陽是古跡  
山每准勅祭祀其洞亦是元有往往開塞元  
和中南唐王章阜在蜀洞忽聞時人咸云洞  
門開即年豐物賤奉又閉塞至是復開其後  
累年遠近豐稔其洞本名麻姑洞山側有麻  
姑宅基蓋修道之所也

開州後倚盛山東枕清江浙江而北三十餘  
里至溫湯井井有湯泉北山上麟德年因雷  
雨震轟山脚摧裂洞門自開當門有石鐘自  
然成形如數千斤鐘大懸身去地二尺許外  
像鐘而中實扣之無聲門兩壁有石如金剛  
力士之形者數人鐘傍有小徑高六尺已來  
行二三丈稍闊有石碑巨龜負之自然而成  
但無文字而已碑側有巨屏上與鼎相連下  
有一穴側身可入一二尺許自是廣闊中有  
路徑平坦與常無異路之左右滴乳為石羅  
列衆形龍麟鸞鶴類靈龜山如林如柱似動  
似躍乍飛乍顧千形萬態不可殫紀僅一里  
許傍疎道臺周迴數步高三四丈層巒重疊  
皆可攀躋旋生乳石如臂如指者以燭照之

通透臺徹隨折腕斷及出洞門外得風皆為  
白石矣自臺側三四十步步有蓮花羅布於  
地傍有甘泉水色溫白遊洞者烹茗於此前  
有橫溪湍激甚急其聲喧洶流出洞外溪上  
有橋長二三丈闊一丈許非石非土功甚宏

壯過橋得黃土坡高四五丈道徑險滑行者  
累息方至其頂坡上有巨堂四壁平靜中高  
數丈壁上皆有游山之人題記年月日處堂  
之極處曲角有一穴高四五尺廣三四尺去  
下丈餘躋攀莫及相傳云昔有遊人攀緣而  
入累月之後出於巫山洞中自後無復敢入  
者

岐州西隴州路七十餘里有魚龍洞中有石  
或大或小隨水流出破而看之石中皆有魚  
龍形人過洞前並不敢語語者便聞風雷之  
聲立致驚懼奔走但諸人不聞耳  
絲州昌明縣豆園山真人豆子明修道之所  
也西接長嶺猶通車馬東臨峭壁陡絕一隅  
自西壁至東峯石筍如圓兩崖中斷相去百  
餘丈躋攀險絕人所不到其頂有天尊古宮

不知所製年月古仙曾竿絕橋以過登覽而  
絕竿朽絕已積歲年里有言曰欲知修績  
者脚下自生毛如此相傳久矣咸適中有道  
士毛意歡山下居人幼而為道常持五千言  
誦不輟口著弊布褐日於市誦經乞酒醉而

登山攀緣峭險以絕道為橋馬山頂多白松  
樹以繩繫之橫亘中頂布板板於絕上士女  
善看隨而度焉行及其半動搖將墜而其底  
不測莫敢俯視數年絕朽橋壞無復緝者咸  
通士辰歲與貧客離山於西峯展禮時毛師  
他遊人有謂今日此峯之側有小徑抱崖纜  
通人跡無所攀援意歡常遊此而去逾旬而  
出今疑其隱在穴中座內有廣陵郭頭陀者  
令請由此徑而往探求之頭陀久之驚胎不  
能語而後言曰此徑去約三十餘丈然到一

穴口纜三五尺下去平地猶數百尺穴內可  
坐十餘人中有巨木匱絨鎖極固意歡讀經  
處石面平滑有足膝之痕而經卷在焉不知  
意歡之所其家有一妻一女而已疑其得道  
者也意歡每多持燈梳度繩橋山側居人視

之以為常矣山多毒蛇猛虎里中人莫敢獨  
往意歡夜歸亦無所畏焉常有二鴉有客將  
至鴉必飛鳴意歡整飾賓塔坐榻未畢客果  
至矣

壬子歲七月十三日青城鬼城山因滯雨崖

崩瀑水大至在丈人觀後高百餘丈殿當其  
下將憂摧壞俄有墜石如岸堰水向東竟免  
漂溺觀中常汲溪水以供日食甚以為勞自  
此瀑水出處常有流泉直注厨內其味甘香  
冬夏不絕東柱西柱金州之北乾元之南六  
十餘里地名東柱西柱象山連接峯巒秀異  
鄉人云有山自南而來其北有巨石而柱山  
穿柱過因為名又東有數峯峭拔一峯最  
高云是蒲仙上昇之所蒲仙山下側近崖上  
及溪澗中有石版篆文凡六七處人多不識  
往往亦可尋見

熒陽洞古老相傳在陵州陽山之上從來隱  
殺人莫知處乾德三年辛巳正月十六日癸  
卯井監使保義軍使太保馬全章中夜夢一  
人紫衣束帶戴冠古服狀若道流揖之俱行

至崖壁所告之曰此熒陽洞也閉塞多年能  
開發護持可以福利邦國又指其地近開小  
徑亦可斷之勿使常人踐踏言訖而去及旦  
全章往尋其所果見土勢微陷以杖導之深  
不可測即命本軍節級侯廣之勾當人夫斲

掘漸獲蹤由相次開掘見三重石門其內並  
是細砂一無蟲蟻他物其洞自東入西深三  
丈九尺闊五尺三寸其洞完全是石洞門第  
一重高六尺闊五尺二寸第二重門高五尺  
五寸闊三尺七寸第三重門高四尺七寸闊  
三尺五寸第三重門內從頂至底一向高六  
尺一寸其門三重相去各只三四尺錫鑿精  
巧迥非人工第三重門內南畔石房闊七尺  
四寸高四尺八寸深四尺二寸其後別有一  
小洞元有一片石遮掩其門傍通一縫以燈  
燭照之深不知其底北畔石房深四尺二寸  
闊七尺三寸高五尺其房內有石牀一所西  
畔小石房深二尺闊三尺五寸高三尺一寸  
西北畔石牀長三尺八寸闊二尺八寸西北  
畔石窰模長二尺三寸門額闊七寸窰深八

寸周圍三尺五寸從洞門向東一直至鹽井  
而相去四十一丈八尺洞門面正東全章召  
得當井監天師院主內大德道士賈省真願  
問云天師院見有元和年刺史李正卿著天  
師聖德碑云張天師以東漢建安二年自沛  
遊蜀占乾為分野見陽山氣象指為門弟子  
曰此山直下有戲泉為今驗此洞正當井上  
即是熒陽洞也

錄異記卷之六